

## Sää'mkiöllsa Moččummus jooul-laaul He'Issnest pä'sspeei'v 4.12. čiâss 16.

Sää'mkiöllsaid Moččummus jooul-laull'jid läulla He'Issen duõmmceerkvest **pä'sspeei'v 4.12. čiâss 16.** Konsertta vuäitt vuässõõttâd virtuaalceerkav päi'k addrõõzzâst **He'Issen duõmmceerkavseä'brrkää'dd YouTube-kanaal päi'k.**

Tän ee'jj prääkje Moččummus jooul-laullji 50-ekksa prää'znekee'jj. Prää'znekee'jj čisttân vužžap še odđ sää'mkiöllsa Moččummus jooul-laaulkeârja, ko'st laulli liâ koolmin jee'res sää'mkiölin; nuõrtsää'm-, aanarsää'm- da tâ'vvsää'm kiölin. Jooul-laull'jid liâ laulte'mmen sä'mmlaž musikknee'kk **Anna Näkkäljärvi-Länsman** da **Aimo Aikio**. Urkuid säitt **Harri Kerko**. Aa'rhelkää'dd e'tkkee'jen läänrovastt **Jukka Pakarinen** ââ'nn joullsluu'žb.

Noorõõttmõõžž kuulte duõmmceerkavseä'brrkää'dd pastor **Yrjö Ikonen** da sää'mpapp **Mari Valjakka**.

Sää'mkiöllsast Moččummus joull-laaulkeârjast lij mie'ldd še sä'mmlai viõkkin sä'nnõttum da suõmmõttum joull-laaul, koozz suõmmõõzz lij raajjâm **Anna Näkkäljärvi-Länsman** da saa'nid **Inger-Mari Aikio. Näkkäljärvi-Länsman** mie'ldd ” *Tuejjeem odđ tâ'vvsää'mkiöllsa jooul-laaul õhttsažuâjast tivtnekk Inger-Mari Aikioin. Inger-Mari kee'rjtem te'kstt maainast čuõv viõggâst. Laull'jest čuõvv peäss pääđai da oudd jooulmiöll. Tee'kstest lij jiännai tuäivv da rämm. Leäi tuõ'di fijnnâz suõmmeed tekstta melodia, tobddji pue'rren tuejjeed odđ tâ'vvsää'mkiöllsaž läullam te'kstt. Lij hää'sk vwei'nned, mä'htt sää'mkiöllsa läullai vä'ldde laaul vuâstta.* ”

”Tät lij muu vuõssmõs jooul-laaul. Mõõnni tää'lv gu kee'rjtem tän tee'kst, le'jjem Teneriffast. To'ben paa'sti pei'vv de leäi paakkâs. Tobddji vuõ'i'ggest fijnnsen kee'rjted tän to'ben. Da leäi še õõmâs, što samai mon leäm tõn kee'rjte'mmen. Teâđam, mä'htt vääžnai jooul-laaul vwei'tte lee'd oummid. Leäm kâl samai i'lbbes da rämmai tõ'st, gu muu da Anna laaul lij åâ'n mie'ldd joull-laullkeârjast. Tuäivam, što laaul puätt tobddsânji da räkksen mi'jjid sä'mmlaid. Miõlstan laull'jest lij jiännai tuäiv, mõõn mij puk taarbšep seu'ijummuš poddân.”

Aanar Päärtõõggâst šõddâm da ânn'jõõžžâst He'Issnest jeälsteei **Aimo Aikio** miõlast “*lij fijnnâz što moččummus joull-laull'jid läulla pukin sää'mkiölin, še nuõrtsäämas. Lij samai pue'r lee'd mie'ldd tuejje'mmen tän histor*”.

Joull-laull'jid koolmin sää'mkiölin He'Issen duõmmceerkvest **pä'sspeei'v 4.12. čiâss 16.**

Konsertta vuäitt vuässõõttâd še nee'tt pääi'k addrõõzzâst **He'Issen**  
**duõmmceerkavseä'brrkää'dd YouTube-kanaal.**

**Lää'ssteâdaid:**

Sää'mtuâj piisar Erva Niittyvuopio, 040 7690 044, [erva.niittyvuopio@evl.fi](mailto:erva.niittyvuopio@evl.fi)

Aa'rhelkää'ddpiisar Hanna Remes, 040 5931 148, [hanna.remes@evl.fi](mailto:hanna.remes@evl.fi)

Duõmmceerkavseä'brrkää'dd pastor Yrjö Ikonen, 050 5567 900, [yrjo.ikonen@evl.fi](mailto:yrjo.ikonen@evl.fi)